



WEDZERO YEKUDZIDZA (SI)

TSANANGUDZO YEPASI ROSE YESI

“SI inzira yekugadzirisa kudzidza kwevadzidzi ichivatsigira kuti vabudirire muzvidzidzo zvavo kuburikidza nekubatanidza zvekudzidza pamwe chete nemadzidzirwo azvo”. Nzira inoteverwa neSI yakagara yakarongwa, uye inosanganisira kudzidza kunze kwemba dzedzidzo pamwe nevamwe vadzidzi. Vadzidzi vanoenda nekuda kwavo, uye vanozvisarudzira zvavanodzidza pasina kuudzwa zvekuita nemubatsiri weSI. Zvirongwa zveSI zvinofambiswa nevabatsiri vakadzidziswa matungamirirwo eSI. Vabatsiri ava vanoona nekukurudzira kuti vadzidzi vashande vose zvakanaka mumapoka madiki avanenge vachitungamirira. SI inoitwa muzvidzidzo zvakaonekwa zvakaomera vadzidzi. Varairidzi vezvidzidzo zvineSI vanobatsirawo vatungamiriri veSI pano neapo, kuti vatevedzere nzira chaiyo yokubatsira vadzidzi. Pamusoro pazvose, SI inotsigirwa pamwe nekuongororwa nevatungamiriri vakadzidziswa zvedanho repasi rose” (www.umkc.edu/si)

CHII CHINONZI SI?

- SI yakagadzirirwa kutsigira zvidzidzo zvakaomera vadzidzi kubvira kare, zvaikundikanwa nevadzidzi vazhinji, zvidzidzo zvaisiiwa nevadzidzi mushure mekunge vaomerwa navo, uye zvidzidzo zvinowanikwa zvibodzwa zvisihoma.
- SI yakagadzirirwa zvidzidzo zvakaoma zvikuru, kwete vadzidzi vane njodzi huru yekusaita zvakanaka muchikoro.
- SI inowedzera pazvidzidzo zvinoitiswa nevadzidzi, haimbofa yakatsiva zvidzidzo zvevadzidzisi asi yakarongwa kuti iitwe kamwe pasvondo panguva vadzidzi vanenge vasina zvidzidzo nevadzidzisi.
- SI inoitwa pachidzidzo chega chega, sekuti SI yezvidzidzo zvemutemo (Law), zvemafambiro ezvemari (Economics), zvemafambiro emabhizimisi (Business Management), nezvemishonga (Chemistry) anenge akasiyana.
- Zvidzidzo zveSI zvinotungamirirwa nevabatsiri, nyanzvi, dzakadzidziswa mafambiro eSI vanonzi maSI Leaders (vabatsiri veSI). Vabatsiri ava vadzidzi vakabudirira muchidzidzo chavanenge vachitungamirira, uye ishamwari dzevadzidzi kwete vadzidzisi.

- Zvirongwa nenhaurirano dzeSI zvinenge zvisina kurongwa nevabatsiri veSI, asinevadzidzi. Vabatsiri veSI havadzidzisi asi vanobatsira vadzidzi kudzidza zvavasina kunzwisisa muzvidzidzo. Vanobatsira vadzidzi kutsvaga nzira dzekunzwisisa nekurangarira zvidzidzo. Mumwe nemumwe anofanira kuuya nebhuku rake, chinyoreso chake pamwe nemibvunzo yaanenge ainayo.
- SI inobatsira kuti vadzidzi vazive zvese zviru muchidzidzo chavanenge vachiita pavanenge vachigadzirira nekubatanidza nzira dzekudzidza dzinoshanda kwavari.
- Zvikamu zveSI hazvisi zvekugadzirisa, asi ndeekuti vadzidzi vazvibatsira nenzira dzakawanda.
- Vadzidzi vanopinda muSI mahara.

CHIDZIDZO CHESI

- Chidzidzo cheSI chinowedzera kunzwisisa kuvadzidzi asi kwete kuti chizoshanda kudzivirira kuenda kuchidzidzo chemudzidzisi chaiye.
- Chidzidzo cheSI chinobatsira kuti vana vechikoro vataurirane vachibatsirana pachavo.
- Chidzidzo cheSI chinodzidziswa nevadzidzi vakakunda mukuchidzidzo ichocho, nyanzvi dzakagona zvinonwisa mvura.
- Muchidzidzo cheSI munobatsiranwa, vadzidzi vakafaranuka kubvunza mibvunzo inoenderana nezvavanenge vasina kunzwisisa muchidzidzo chemudzidzisi.
- Maitirwo echidzidzo cheSI anoenderana nenguva yatiri maerenano nechirwere cheCOVID. Munguva dzechirwere cheCOVID, zvidzidzo izvi zvinoitirwa pamhepo, zvichireva kuti panharembosha nepamakombiyuta. Munguva dzisiri dzechirwere cheCOVID, vadzidzi vanosangana nemubatsiri weSI. Izvi munenge muchironga nekuziviswa nemubatsiri weSI mushure mekusangana.
- Mukange mazopihwa basa rekuita pachenyu muSI, ibasa rekuti mubatsirikane pakunzwisisa chirongwa chamuri kudzidza. Basa iri rakasiyana nebvunzo dzamunozopihwa nevadzidzisi zvichireva kuti harikanganise kupasa kana kufoira kwemwana wechikoro asi kuti rinobatsira chaizvo kunzwisisa zvidzidzo zvenyu.
- Vabatsiri veSI varipo kuti vakubatsirei pamunenge makundikana kunzwisisa kwete kuti vatokudzidzisa zvekare basa rese.
- Kana uchinge waenda kuSI hazvicharevi kuti hauchafaniri kuverenga pachako. Unofanira kuramba uchishingirira kunzwisisa basa rose pachako kuti ukwanise kubudirira muzvidzidzo zvako.

NDIANI ANOFANIRWA KUENDA KUSI?

- Vadzidzi vose vanechido chechidzidzo cheSI vanotenderwa.
- Vadzidzi vose varimurugwaru rwechidzidzo vakanyoresa kuita rugwaru urwu vanogona kuenda kuchikamu cheSI.
- Kuve nhengo yechikamu cheSI hakumanikidzirwe or kubhadharwa.
- Chirongwa cheSI chinopa zvidzidzo zvakavanzika uye hachishandiswe kuongorora manzwisisiro sebvunzo rechidzidzo
- Ongororo inoratidza kuti vadzidzi vanatora chikamu cheSI nguva nenguva vanowana zvibodzwa zvepamusoro kune vazhinji, zvisinei nekuti vanogonesesa or kugona zviripakato nepakati.

WEDZERO YEKUDZIDZA (SI)

- Kutora chikamu cheSI kazhinji kunobatsira kuvandudzika kwevana veyunivhesiti
- Vadzidzi vanokurudzirwa kuti vatore chikamu cheSI nguva ichiripo kwete kumirira kuti vatange vakundikana mubvunzo dzavo. Vadzidzi vese vanotenderwa kuuya chero nguva inenge ichiitwa chidzidzo cheSI.

KUTI UWANE RUMWE RUZIVO BATA:

Liesl Smith

10 -01 17, Kambasi yokuchamhembe (Pauriri hwepasi pasi, pechivakwa chomumhanzi)

liesl.smith@mandela.ac.za

Philip Kitching

10 -01 15, Kambasi yokuchamhembe (Pauriri hwepasi pasi, pechivakwa chomumhanzi)

philip.kitching@mandela.ac.za

Translators: Hildabeth Tanaka Chipendo, Zvikomborero Chitongo, Sendibitiyosi Gandidzanwa, Alpheus Mahoya